

皇清文穎續編

皇清文頴續編卷七十八

詩

九言詩

皇上八旬萬壽恭紀

汪如洋

乾隆五十五年秋八月

天子八旬萬壽之昌辰東鵜西鯨山梯海航至黃童
黎叟瓌詠轅謳陳蘿圖信彰

景運啟聯翼芝檢筴受協氣宣和閭月輪三五正馥

廣寒桂歲籥八千實肇莊周椿仙家壺嶠樓閣布藹
藹樂土禾稼原隰觀昫昫鋪張電樞虹渚已膚未沐
浴跂行喙息咸平均我

皇儉福錫庶民亦福維

帝如春與四時皆春兼名祿位彌信壽必得曰保佑
命悉於

天自申

一人所其無逸甚夙夜片語奈何弗敬通

蒼旻有事於

南

北郊必

躬蒞其時則長短至及上辛亦越

雩壇

法駕籲膏澤豈祇工師盛樂和神人既謚

帝心益復懋

祖德永監

成憲且以崇彝倫縹裘

實錄義

釋圖訓古綈捧

冊寶瑞琢和闐珍葛燈麻拂示儉昔云有絳紗通天

改制疵非醇勗哉騎射

訓守貞石勒瘁矣

櫛沐想見戎衣塵盡眩

天章百六譜全韻用鞏

丕基億萬無周垠虎貔帳卓整暇香阜隊螭蚪艦列
照耀昆湖滑詐馬筵開

柔遠順蕃俗角水戲近獎勇頒官緡

創垂煒煌寧止隘唐宋

撫莅混一肯教歧越秦古我

前皇圖任厥惟政

天有顯道視聽權諸民政由

已正弊必抉稗民爲邦本

念勿區畦吟紺轅黛耜亥旦賦摘藉男耕婦織

乙夜圖披幽快雪時晴故事兩帖

仿爲霖三日妙感

龍潭裡驕懲蜀道旣

誠朽索馭藝錄宋苑亦

繪雛雞馴匪宵求衣盱忘食以理彼夏暑雨冬祁寒

曷詢颯颯封章

批閱待秉燭于于牧守

召對來垂紳又必及三狴狴

慎推慮一可倣百篋益祛緣貧民之所好所惡

絜以矩政有或臧或否糾如神偶聞偏災中澤起磬
雁旋

發積帑涸輒蘇窮鱗議蠲議截百計俾膏沃免丁免
漕六屆猶環循此蓋數十年來如一日要使大千界
內胥同仁若已推之恐一夫不獲無非事者

適諸侯曰巡黃流之來滾滾自天上大江以北在在

連河身引開陶莊汗漫以次注誌

定清口堰築隨時竣邇來春濤千里竹箭順不待秋
風三汛輜車麟巍乎

禹功已媿積石導卑甚漢績徒詡宣房堙海潮海汭
信共蟾魄準浙東浙西居與鯨波瀕禦以魚鱗陂陀
之演漾束以籠臺龕楮之嶙峋惟南之坵允矣北之
漲必捷爾石始得屬爾新自老鹽倉直上走迤邐凡
十一郡安堵除吟呻封疆虔祈於此稟

籌畫湖山小憩詎以

娛笑嘖彼都人士則有魚鳥戀謂

仁皇帝澤我雨露頻欣飛前驅野不躡禾麥屏翳爲
御路僅芟荆榛吾

皇不來何以得休助

繩

祖之武庶共蒙陶甄金焦峩峩天塹劃雄鎮吳會隱
隱上郡通重闔蜀岡鸞花二月三月暮白隄烟柳千

絲萬絲勻

施先過化優免銓結總

典舉特試美收桔篋箇詰戎于郊鶴旅甲擐鐵教讓
以齒鶴髮牌懸銀一遊一豫孰不侯度謹

六飛六幸亦廬

詒謀遵粵若白山黑水

源脈遠往者金戈鐵馬雲雷屯皇澗過澗風物

詠如覩松山杏山戰蹟尋未湮星拱於辰一氣望葱

鬱歲周以癸

四度勤遄臻別有文殊師利雪封嶺近則牽牛析木
烟浮津臺躋五層塵境隔鐘梵水轉丁字海客排編
輪南瞻齊魯靈區岱宗肅史述云亭詭辨夷吾斷上
公祀秩柴燎燭霄漢

素王眸蠶彝器光藜蘋今年東行江漢望彌嶠
後聖北回堂庶儀何彬雨膏

屬車繡隴氣潛潤

電照積牘部屋情俱伸

山莊靚深三島朔宛宛塞垣延繚七萃馳騫名仍
避暑武備卽斯寓額有

紀

恩

祖訓毋忘諄木蘭圍開

鎗殪北平虎哨鹿

賦就筆走中山銳肩隨

帝胃式凜

家法舊贍落蕃部倍懼

天威真赫斯

天威豈獨秋講獮讐彼小醜乃如郊竄麋庭犁準噶
爾旣失負固頸係索諾木敢誇狂狷戰圖所廓疆越
二萬里屯政日闢家富二百困土爾扈特奉版慶埔
櫛痕都斯坦撈玉羅玕珣餘如要荒蠻服無盡境類
爲夏商周代所未臣炷香斗米邪孽息盜弄鯢身鹿

耳逆黨殲奸囂霆飛六詔遂震蘭水外羽舞七日遠
格球江濱唐矜羈縻始侍突厥子漢慎保障空結單
于姻豈如日南名王躬入

覲不異離西白馬歸作賓

制導冠裳敬極故生慕班綴陛楯

尊至尤加親南掌文身亦導使臣節暹羅玉冊並奉
玉言綸何況化人印度瓔珞現足補妙繪

皇朝職貢新武成大告執玉赴不脛

堯章光被如竹森有筠

文期載道不以華以實

詩取頤性比之

德之純

訂譌祛惑朗朗宿探海民情物候乙乙珠穿蠟鑑

評百王興廢炯於月疏

衷三禮考證磨不磷五車捆載競獻喻芹曝

七閣飛構先睹欣鳳麟萃經

室成佳話合球璧活字書富珍貺逾璠珉制宏車服
舊式底摹聶律正宮徵古尺奚求荀

重華

韻賡軼爛縵喜起抑燕

論闡超洛濂關閩圓疏璧流

座罨槐蔭綠琲貫獵碣畫洗苔紋皴旁通梵言三台
譯微妙下逮笙詩六什搜沉淪

景抒歲朝事陋柏銘庚

福賚除夕體壓雲書郁其他吮毫伸素縱

餘緒擬以畫禪草聖誰堪鄰鵠袍臚歡

恩展幾蕊榜鮐背得第榮過雙蒲輪衍

玉牒兮螽斯羽緝緝

篤銀潢兮麟之角振振孫生孫遂

五代

錫之慶

老吾老亦千叟徠如儻非空非色吉帛現繚繞若蘧

若榻綵袖辭縫紉

作人壽考益助運交泰不言符瑞務俾風還淳

殿開乾清

清祚協

昊撰

宮敞寧壽

壽宇恢

鴻鈞

調玉摘華與旨演河洛范金告備巨響卑鉦罇元正
始和

溫綽十行下南呂中律瑞靄三秋收

慶諧絃埏嵩嶽氣鳴谷

恩沛寰海

太乙波含鄰

古稀日攷義匪判今昨庶徵

敬念責詎寬宵晨大哉

敷言皇極本洪範

臣

也獻歌儒館慚崔駟馘穀之頌

以如岡如阜在藻之樂曰有頌有莘從茲

天壽凝承配永命譬諸佛法紀算窮由旬無疆惟庶
不息則云久

延洪

錫羨歲歲依

楓宸

臨雍講學詩

汪廷珍

皇帝御極三載仲春月肇舉釋菜臨雍之上儀普天

率土臣民大欣悅

微臣

拜手稽首陳頌詞自古聰明

聖智惟元后建中立極作君兼作師成均名學肇始
於黃帝上庠東序右學同昭垂辟雍之立昉自成周
代其名著乎靈臺有聲詩建國君民教學最先務樂
德樂語樂舞司成司天子視學大昕鼓徵士釋奠釋
菜齋肅陳明粢三代以後舉斯禮者鮮漢唐斷斷未
足稱鴻規欽惟我

朝盛治古莫及

列祖

列宗

功德昭八維

太上皇帝御宇六十載

聖神文武上越軒與羲

五代八徵四得五福備

日疆不息

乾健恒孜孜敬

天法

祖化成於久道

勤政

愛民宵旰厘

謀詒

湛恩汪濊洋溢乎方外羣生萬物涵濡咸熙熙

皇上茂守嗣服式

聖訓以天下養維則篤

孝思

放勳

重華一家古未有以

聖繼

聖垂拱四海釐爰以令月吉日舉

茂典先期

詔告天下咸聞知

聖代稽古右文厥惟舊菁莪樂育百年而於茲昔我
太宗肇國在東土譯經翔鳳釋奠

親致祠

世祖

聖祖

世宗咸視學

訓諭多士赫奕昭鼎彝

太上皇帝三年莅太學

文廟黃瓦鱗覆光參差

特頒彝器用副從周志尊壘壺鼎古色斑陸離

肇建辟雍式昭一代制法古不泥神化與時宜體象
天地陰陽以作則繡以爲栴雲氣以爲楣

殿宇巍峩昉昉以高敞壁水演漾曲折流漣漪粵金
元明宅茲數百載

聖皇創制魏煥逢

昌期三老五更

至論闢羣謬以左證孟妙釋千古疑獵碣重排文存
而石壽車攻吉日盛跡留蒐岐

命校中經大書勒貞珉光和正始開成徒卑卑冠以
睿製炳煥光日月

皇極敷言

先覺而覺斯

慶榜八開題名碣森立

武功十全告成碑蟠螭

壽考作人

觀文以成化

聖教廣遠萬世一遇之我

皇誕乘邳隆之嘉運多士仰望

教澤心傾葵歲在敦牂嚮明文運盛時和氣清春日
方遲遲緹帷帟鷩宵懸而宿置春官太僕將事咸齋
夔登光辨色式道

命夙駕虹旌羽蓋葩瑤紛歲製辰旒太常森忽以容

裔綵繁綺會

仙仗何紛披和風驅蕩蕭穆拂

翠罕瑞靄氤氳繽紛縈

鸞旗千官萬品冠帶列交錯隱隱軫軫

蹕路修且夷大小臣庶敬共以祇蒞華容煜爍被服

羣委蛇琴瑟千戚禮樂明且備蘋藻

躬薦肅拜昭虔祇

先聖心源千載若相接

聞而知之揆合寧遠而乃

臨辟雍於論考鐘鼓儒臣進簡從容宜聖涯

帝有彝訓以爲天下則

聖謨洋洋精義傳綸絲丕陳帝王經世之大法苞舉
格致誠正修齊治明新止善成已而成物木之一心
六合咸綸彌大君智臨天下皆在宥以保以教曲成
而不遺

闡明說文用心孔若符契理大物博未學究能窺圖橋

敬聽無慮億萬藹藹濟濟紳佩垂

丹墀公卿士庶衆四民子姓莫不歡欣鼓舞誦且惟
恩膏廣布多士備霑渥挾策鼓篋拜舞歌

聖慈辟雍海流班固稱漢氏泮宮采藻奚斯頌魯僖
簞猶燭火螢焰與日月光華小大曷足相攀追往歲
躬耕三推劬農畝今冬

大閱七萃張虎貔煌煌巨典次第以時舉

實心實政非徒具文爲

聖主方且穆然而深念日新又新夙夜勤

肩仔紹

聞衣

德肅恭奉

聖訓明和天下時雍如伊耆

大孝錫類

德教光四海

重熙累洽長此

昇平時留爽闇昧咸鏡

聖人化衍溢布濩

教澤淪髓肌

道兼在昔

治侔乎三五

天錫純嘏

保佑申鴻禧

聖德

聖福協

太上皇帝式鞏我

朝億載丕丕基

九重胙慶詩

謹序

李宗瀚

皇上御極之十年鋪鴻藻信景鑠巍巍肅肅上儀炳

作惟茲

三陵康祀

列聖垂憲粵有舊章祥習

時巡肇稱殷禮入疆行慶暢垓垓臣庶歌歆神人

憲說

臣

竊惟天地之數始於一成於十而算法

家則以九起數九者究也天道以九制易所謂

乾元用九乃見天則者也聖人法天行健襲九

竅馭九鴻含囊萬物消陽無計量用能使命祚

延洪與天無極

皇上嗣膺寶籙撫運璿衡以時乘者法

天卽以法

天者法

祖故薦馨香則

九廟歆敷闡澤則九功敘九德事於朝九職任於野

繼自今

九如篤祐於萬斯年又豈隸首算數之所能紀哉

臣

瞻

屬車之九九抃蹈歡呀謹獻

九重胙慶詩一章其辭曰

皇帝達孝化轅寰寓外東漸西被朔變爰并南諧萃

親率

祖仁義德施大鈞鈴昭服符緯平三階大禧是承告
警時不害由

命用庥甄貺福孔皆仰惟

太祖建元丙辰會我

皇嗣服協紀

天步偕崇嶽舟瑤

紹衣凜結禮膺原臯應

締構瞻模楷

披圖刻玉

國書慶雲鸞啜彼秦章漢篆形盤蝸我

皇法

祖同文苞符薈象胥訂訛風別兼雨淮諸生繙繹鳴

鹿食萃蘓

特開蕊榜貢士精選差

神武奮揚師貞統
旛旂靜若山
立動若川流
潛九宮
握奇鉏聲殷
碾礚圓穹
則象河鼓
明星街我

皇法

祖詰戎旗
葭葭箕張
翼舒八纛
相塘挨星
斗不移神
鎗用攸賴
樹侯命中
梅針韜箭

擷衣行獵
儉德糾奢
忤

發蹤指示
鹿角猶懸
牌我

皇法

祖講武戒玩惕扶桑弓挂薄海澄氛靈衣冠騎射
訓守奉著蔡奚取紆服侈袂履繫鞵釐工亮工
建官鸞鳳翽承政參政奉職夔龍儕我

皇法

祖計吏課殿最小廉大法庶衆榮青綯
衡鏡在握流品慎簡汰月銓引

對選格寧容乖內三院設翰林通華蓋

文教炳蔚柱史依廳槐我

皇法

祖崇儒澤汪濊和聲鳴

盛羣雅交嚙啣

前徽紹闡木天紆

紫軟論思稽古東壁

皇輿輦

鈞韶聲振合樂逮自鄒柏梁聯詠語削東方俳

樂育儲才長養盛樅檜

敷言勵品追琢勤磨措

璫編嘉惠倬章燦錦貝璇淵韜耀異寶空蜃廡手朕

口沫藝林普霑丐剞雅輯頌正律刪淫哇覲揚

光烈樂只永保艾

本紀

實錄

勅史恭編排渾儀迴幹撓甲歲周太

鼎湖瞻慕霜露厪

膏懷練時東轍夙駕

玉鑾噓扶棟翼牖雲縵浮松釵懷柔望秩隱隱奏神

籟

啟運

天柱

隆業崇歲裊蕭光載舉配藜香四鵠覩聞僂儻契合
通心齋金支翠旗

神馭擁旂旆恍覩汗趨石馬驥馳驅三馬之禾鬯貞

芬藹藹揭雲之露瓊屑漫空筵周睇陪瑩牢醴

躬醲醑麒麟圖畫褒鄂精靈埋盛儀告歲

視朝莅豐沛張樂大酺酣醑羅珍鮭

賜爵給復匪頒

詔司會朱提赤仄繒帛文絲繒負簡抱弩

優恤候人設歡呀蹈咏耆老連童娃上尺下尺

霈膏雨施霈大和小和

巽命風行颯緬昔覩天肇慶

帝女媿絜靈萃媿邁德神媿閨門吞果翀舉得解
蛻河干坐柳誕降胎仙骸赫圖阿拉式廓行道兌

七世恢業造攻掃井蛙偉哉薩爾汗山何峻峴

天錫勇智繼續松杏崖我

皇纘承熙洽總冠帶彌綸八極旣奠無離萃暘谿昧
谷鱗集擊濤汰江潯海裔琛貢杭梓薄燿烽息警黃
輿廓埃墟荒荼桀莠剝被根芟茨梁坻京比戶富
倉廩睢麟醇懿革面孚鷹豺嚴闕幾禁流庸及商僧

衡間卧柝竟夜門常闔鏡河清晏疏渠濟畎澮宣房
鞏固榘竹攀菱柴今茲告功

闕寢致福禴歸格

郊

廟裡玉登菹稽

帝德崇深蠡管竭摹繪白山際天滄海無津涯

九重胙慶億禩昌基泰長看

御氣鬱鬱葱葱佳

恭和

御製隆興寺五疊舊作元韻

劉 墉

彌勒法身千尺古所聞金粟丈六釋迦摩尼尊一衣
被體宛爾無長短惟

佛與佛究此三昧門

七言九字演說亦如是大小多少融入華海雲雲中
樓閣層疊不可說一豪端舉梵刹千寶輪爲救爲歸
持世依

三才之宗 卷之二
大聖真丹五頂五智凌蒼旻聞思大士示現乃岳路
祥光瑞靄迓

聖常紛紜我亦從中證悟曾偈讚

曼殊觀音一相何由分五疊前韻從此更萬疊修多
羅教日照高山辰三千大千世界

照臨內施無畏者獲二殊勝神惟此般若蘭那富靈
境三三前後隱現空中身瑜伽經本再錄菩提等金
剛智付弟子不空云天花天樂是處敷蓮座坐見龍

象雜還來趨塵香南雪北步步皆佛地如來賢聖諸
將收魔軍福慧所加願力無不有光明相好久久莊
嚴存小中見大大中可見小去木留銅留去無非真

風日恬和

輦路驗熙皞乃見茆檐蔀屋桑麻論

皇情忻悅愷澤布萬國

義文禹範燦爛圖書陳中山一石八

詠重瓊玖臣軾何幸屢被

職暉春

恭和

御製隆興寺五疊舊作元韻

陳崇本

大乘佛法果不忝聲聞福具慧具乃曰兩足尊如來
三十二相卽非相常樂我淨住此不二門聞思說法
特發廣大願諸身示現慈意妙大雲正定隆興隋代
所建寺中有法像手臂如車輪周毀宋造興廢榮可
數真空無礙佛日高青旻

六飛巡莅五度就瞻禮給倪迎

輦夾道何紛紜直躋斯世共入歡喜地衆寶瓔珞應願爲施分

宸遊所及因事有

加惠

春祺溥錫正接青陽辰法緣相契時一

發藻詠妙義剖析

天筆能通神四十二章有句本無句七丈三尺大身

原非身洞窺佛理真實指心法往者刻木妄見何足
云

奎題稠疊七字詎常語益之以久彌覺超前塵譬懸
心鏡所照皆正見寧著禪鎧聊藉張吾軍惟民有欲
衽席徧萬姓太平之象目擊而道存東漸西被聲教
暨南朔延頸跂踵儼禮慈氏真乃知

聖佛共一心性海福壽無量數與恒沙論

作歌載賡下逮侍從未九如進頌天保當同陳更欣

重華獻歲值茗宴九疇衍福遞奉年年春

皇清文頴續編

卷五

詩

五

皇清文穎續編卷七十九

詩

五言律詩

恭瞻

太宗文皇帝弓矢

履端親王永璠

締造維

家法

先皇弓矢傳一房霜筈直五石月弧懸以此

威天下常時在

御前屢聞

庭訓切瞻仰益欽旃

春遊卽事二首

履端親王永城

聽鶯芳樹下攜榼小園邊
草綠迷行騎花紅引客船
幽情期自適真趣欲誰詮
綺繡長安地從渠沸管絃
和風來澹蕩春渚碧波浮
楊柳閒漁艇桃花入酒樓
晴光初拍眼芳事正從頭
莫誤王孫約言尋杜若洲

山家

履端親王永城

山家一茅屋老住白雲堆
經是秋風掃窗因夜月開
豈無高士隱未許俗人來
我欲行相訪蒼然暮色催

恭和

御製行園四詠元韻

儀親王永璇

待圍

特舉于田禮莎原待曉行
山銜初日出水挾斷雲生
飲馬依諸澗呼鷹盡列城
奏章

披覽切

眷念在民情

尋圍

塞草迎

仙仗邊雲護

錦鞦千崖高不落萬帳靜無言紫愛葡萄熟青瞻苜
宿繁西風雕翮健木葉正紛翻

合圍

地盤龍虎勢陣壓烏蛇圍寶月隨弓滿流星逐矢飛
廣場藩部集馳道

御鞭揮豈詔從禽樂

欽承

聖訓依

收圍

徒搏周陸外充

庖信足娛

令方嚴後至

誠早肅前驅止殺

皇仁洽

論功士氣愉駝酥桐酒美舞抃頌

威談

金山晚眺

成親王永璉

絕頂憑欄立春光渺若何天涯芳草遠江上夕陽多
去鴿投空沒歸潮際夜過魚先栖隱處明擬問岩阿

江岸

成親王永璉

春深江岸外風雨浙西涼臥柳自榮散疎花無主張
留帆倚雲色送鳥入山光漸老芳菲處王孫去意長

山行

成親王永璉

獨往意甚古深行徑轉微泐泐山雨住稍稍暮雲歸
剗木流泉取吟詩返照晞恐驚林鳥下莫振陟岡衣
樹色欲無盡禽音已不同世情山渾渾野步日忽忽
遂往霑雲濕何須到水窮只疑鸞鶴響吹出萬松中

磴道轉峻嶒清暉向客澄柳絲秋水直松蓋夕陽層
板渚吟情遠天台畫法能雲霞旋破碎知有玉輪升
夕陽有幽綠淺草茂林間心賞日復日眼明山外山
溪回妨遠到雲去賸孤還所以巖耕者常時見好顏

南樓南池

成親王永理

樓共任城古池含汶水春風流八代後天地兩詩人
曠感如風雨微馨託藻蘋寂寥遺座在還似舊承塵

光嶽樓

成親王永理

博平原古郡光嶽有高樓
偃蹇躋雲雨枝撐出斗牛
大東荒岱映直北望皇州
歲月飛騰甚登山已舊遊

月下聽人彈琴

禮恭親王永恩

清輝動林樾庭畔月初臨
我愛朱絃趣誰知綠綺心
風吹別鶴唳雲斂落鴻音
竹樹當軒立遺疑湘浦深

聽采蓮歌

禮恭親王永恩

逸響出雲外輕舟發棹歌
長空初上月秋水靜明河
幾許紅衣褪何方翠蓋多
聞聲人不見極目送江波

望盤山

禮恭親王永恩

山遠疑無路蒼蒼樹色深遙看舍利影宛在碧峯陰
潭古龍常蟄臺空鳥獨尋何時登勝地坐對萬松吟

祇謁

裕陵恭紀

禮親王昭棟

葱鬱

倚山地攀髯近十年虬松蟠紫氣石馬吼蒼烟

壽協軒皇紀

功開絕域天

微臣

追夙

寵孤淚灑風前

宿正定隆興寺作

睿恭親王淳穎

峻閣層霄上登臨豁遠眸郡城三駐馬蘭若十經秋
廟貌開新構烟花憶舊遊暮山晴可數歷歷指齊州

遊五華寺作

睿恭親王淳穎

獨有林泉癖來從古寺遊萬緣因法住一飯爲僧留
花影侵禪榻山雲抱佛樓前身香火客何日果清修

園中春曉

果恭郡王弘瞻

小園春霽後曉起薄寒侵鶴語石苔徑鳥啼風竹林
赤欄芳草淺綠樹野烟沈短几屏山曲鑪殘夜火深

春日山行

果恭郡王弘瞻

茅店一程程青山送客行郵稀偏近水邑小每依城
細雨野花落春風蔓草生吟鞭何處好布穀又催耕

南苑習獵

貝子奕純

文園城南古由來肄武風彎弓明月似走馬籥雲同

草茂當春碧旗張映日紅歸鞭吟咏處爐篆裊香融

和闕玉

貝子奕紹

美玉何方產和闕入版圖撈時逢月滿截處似肪腴
琅琅名原貴温温德與俱川珍歸

聖代

冊牒兆祥符

恭和

御製題臨漪亭元韻

宗室達麟圖

幽亭臨碧水，斜浦畫橋低。
紅蓼遙依岸，黃花近繞畦。
開軒雲出岫，捲幔月橫谿。
巡洛重停頓，滄浪入

睿題

恭和

御製木蘭迴蹕駐避暑山莊作元韻

宗室良誠

朝陰豁初日

清蹕適云旋，隔崦烟光白。
當頭月影圓，斷雲遮岸柳。

餘粉膩池蓮美景歸

鴻藻臺端萬斛泉

雨過

宗室伊都禮

雨過園林好青春獨掩扉有時空翠滴無數落花飛
竹影搖窗綠苔痕遶徑肥細風吹不散香氣滿薔薇

玉泉禪院

宗室恆仁

道人種松罷傍水開禪關春風吹不到白雲相與閒
偶尋林外約引我過前山倚杖看奇石徘徊殊未還

皇上四旬萬壽恭紀

周玉章

玉燭輝

皇極珠囊炳

帝謨慎修延五至邛治奉三無

黼座懸軒鏡璇霄啟燧圖昇平開

壽謙錫福八紘孚

道法三王合心源六籍傳金華崇

講席璧水煥

經筵斗運居維正龍乘

秉德乾聞知承五百元會接中天

典肅欽崇禮謨存紹述思體

天行不息法

祖道重熙淑氣三光叶歡心萬國馳

勅幾昭對越永世介純禧

南極星躔朗

慈寧景曜暉旨甘供玉食定省侍

金扉天樂雲璈奏珍禽鸞鶴飛

龍衣扶

鳳輦長此奉

任徽

作觀山河輦綬猷海宇清九功修府事七政察璣衡
省歲年常順觀文化已成猶聞頻

賜復淪浹遍蒼生

立政勤宵旰時巡望豫遊八風陳國俗四岳覲諸侯

澤共鸞旂遠

恩隨玉輅周椒蕭崇望秩山海盡懷柔

雨露敷文德雷霆振武功舞千苗自格貢矢譯常通
歌擊堯衢壤絃調舜殿風東西鸚鵡至大化洽雁鴻
寶鼎香烟郁珠旒彩仗陳嵩呼來遠服虎拜肅朝紳
瑞靄浮青瑣榮光護

紫宸升恒齊有頌舞蹈慶昌辰

華渚流虹節

彤庭介

壽朝瑤觴陳月殿綺席敞瓊霄六膳金盤捧三漿翠
釜調龍光承燕譽湛露渥羣僚

高秋

丹籞爽清霽碧霄澄蟾窟飄金粟銀河湛玉繩羲爻
占泰運禹範協休徵

天眷綏仁壽無疆

帝祉承

聖駕巡幸五臺詩

謹序

德保

欽惟我

皇上聰明天錫仁孝性成絜盛治於勳華

鸞綵推尊

慈訓頌成功於常武

龍章丕播

嶽稱尊養兼隆既備承歡之極則

孝思不匱尤崇祈永之宏規茲五臺山者法界名區

真人化宇燦名花於積雪異彩繽紛秀瑞草於
寒風古香馥郁浮空金閣跡同壺嶠之竒騰靄
竹林境比蓬瀛之勝漢唐而後代致欽崇

國朝以來尤蒙優渥洪惟

聖祖勤六御之巡游敬爲

兩宮祈萬年之景福孝德超於千古日月光華成法
垂於子孫圖球世守我

皇上欽承

祖德仰祝

慈禧奉

金根以啟行禮崇靈驚戒

屬車而載道躬詣祇園駐

蹕臺懷遍登名勝

瑤篇璀璨倚聲見繼述之思銀榜輝煌濡翰賁昭回

之色琳宮紺宇重沐

龍光黃帽茜衫俱邀

珍錫蓋自丙寅之歲肇舉鴻儀越茲庚午之春再行
盛典時維二月序屬載陽雪霽千林山意衝寒而
欲放風和萬壑冰花迎暖以將開錦繡峯頭瑞
烟朝起華嚴嶺畔紫氣晨飛

玉輅重來比戶歡欣結綵

翠華遙莅靈巖隱約呼嵩五峯誕被霽雲萬姓咸歌

解澤臣濫叨

丹禁謬掌文衡前此陪扈

清塵翳筆喜隨

豹尾今茲恭迎

綵仗披雲得覲

龍顏瞻依日月之光最欣親切繪畫乾坤之大莫罄

鋪張謹鏤蕪詞恭呈

睿覽

聖主勤時邁堯封紫氣新山河皆動色參井預知春

爲集

璇闈慶重移

黃屋巡靈巖花鳥意俱奉

屬車塵

紫宸初啟

蹕二月正春融山霽千林雪花開一夜風

鸞旗拖柳翠

綵仗綉霞紅不盡窮簷隱皆歸

臨照中

乘輿繩

祖武幾度駐精藍此日

巡方再當年

幸已三典章從舊定詩句倚聲探卽此真如見無煩
指上叅

孝治尊

親篤巡遊奉

起居晨炊調玉鼎曉發導金輿

鳳幄春暉麗

瑤墀愛日舒嶺雲成瑞彩遙裔護

鸞旗

欲試金隄績先登珠府壇
河光飛五色嶽翠擁千盤
道灑塵先淨春生氣不寒
嵩呼聲隱躍紅日近長安
高峯雲外矗淨域自天開
花雨簷頭落金燈樹杪來
五方分宿緯千嶂列屏臺
聞道

龍輿幸空澄絕點埃

山闢清涼境峯開錦繡名蓮從金裏綻菊向日邊榮
翠嶺皆依北崇臺獨嚮明南洲森氣象三乘列星呈
望海登臨處乾坤萬象羅日華烘若木霞影漾滄波
覺海從心滙迷津見網多

聖人有義諦宗要悟禪那

峯高西應皎皎月常新一鏡懸高照千川印法輪
崖前獅子伏門外鳥聲馴指點西來意

龍章炳淨因

山勢連恒岳崒嶺起五原寒風回朔塞佳氣接并門
翠拭瑤樞轉泉飛卓錫痕峯頭仍內向還拱

北辰尊

靈山分野列鷲嶺恰居中四面飛空翠當頭落彩虹
花開千聖鉢水結萬年風一片香雲界

天心呼吸通

昔年扶

六御雲裏上嗟峩瑞草承

雕輦仙花迂玉珂翠巖知日近紫府覺春多微見
龍顏笑薰風滿澗阿

斗峯寒力勁登陟定何如侍從當風阻

君王按轡徐山光開曉霽嵐氣淨秋虛道與先天協
洪鈞在卷舒

金碧凌雲出風傳

御墨香瑤篇星斗落銀榜鳳鸞翔永作山門鎮時騰
霄宇光從茲留

盛蹟千載頌圭璋

古剎依山結多承

雨露恩金從

內府布經就日華
繡光炳三千界
輝生不二門
宋唐傳盛事誰見泣

金根

繡嶺疏靈液
泉深引脈長
一泓浮碧色
千斛試蘭湯
時有卿雲爛重邀

日月光餘波堪挹注
霑灑徧遐方

載道歌休豫
香亭鼓舞迎

賜蠲當日詔望

幸兆民情土室人
何樂花村吏不驚

堯天欣共戴
蕩蕩孰能名

綵仗分行詣
千官扈

玉驄步隨天
漢外身在碧霄中
絕磴雲生履繡
幡香

滿空幸隨

豹尾後不啻到啞峒

遊豫諸侯度勤勞近侍知

宮門傳曉漏

御筆滿前墀守吏承

光寵從官

錫禮儀南山齊獻頌

萬壽咏周詩

微末邀

天眷金鑾侍

聖明扈

遊慙珥筆受

命愧持衡恭遇

時巡盛欣從道左迎丹誠依日月長此頌昇平

皇太后六旬萬壽恭紀

覺羅奉寬

懿德超前古

純禧裕後昆

聖皇天下養

文母域中尊雍肅詒謀遠康強受祉繁

六旬寰海慶獻

壽指崑崙

甲子初週日黃鍾應律時陽回緹室管香滿北庭枝

雲筆摘

仙藻瓊筵介

壽卮還看天意洽瑞靄護

宮帷

聖壽綿無算

彤庭集貢珍

孝加三代遠樂與萬方均華祝諸藩長嵩呼率土民
卽看編

盛典日月景常新

別苑通瑤島逶迤

鳳輦行人爭歌

皇清文頌續編

卷九

詩

九

壽愷世喜際昇平綵結千門麗燈懸萬戶明扶攜依
夾道到處總懽迎

慶節嘉祥集良辰景物暄雲深

翔鳳閣瑞繞

濯龍門

仁儉千秋範涵濡一代恩

聖慈人共戴厚德頌坤元

玉殿爐烟裊雲階仗綵環千官朝

北闕萬國祝

南山仙樂聲盈耳

慈闈喜動顏

皇承

色笑

愷澤更頻頒

聖駕南巡詩

張九鎰

嵩岱登封後江南歲首巡彩雲飛

紫詔旭靄映

丹輪吳越鶯花曉湖山錦繡春

慈寧開壽域錫類

大君仁

御握遙臨處風光暖更妍
三番霏薊雪九點散齊烟
野岸花迎仗江村柳拂船
淮揚歌吹入喜氣溢南天

第一江天景當年

祖武過雙峯凌海嶽遠水挾岷峩
金碧中流渡青蒼

隔岸多

皇情欣入覽

揮翰擘雲窠

曉日吳門接江流
匹練間虎邱青嶂列
鶴市碧溪環
葉葉蘭橈發聲聲
水調閒太湖三百頃
魚鳥識

天顏

湧金重抱堞一水綠
差差天到湖心濶
春來鷺嶺奇
林梅三竺雪蘇柳六橋絲

睿藻丹青麗孤山合勒詩

萬壑千巖裏雲霞似畫屏湖傳唐賀監山記晉蘭亭
玉帛存高會圖書啟秘高禹功虔

聖祀水木盡仙靈

不泛桃花浪迎流到秣陵烟霞春旖旎龍虎勢峻嶒
白下千峯繞青溪一鏡澂秦淮縈

御舫花月萬家燈

攬勝迴

鑿輅

宸范廣省方烟巒遙執笏麥隴遍飛杏

玉座山河朗

瑤宮日月長流虹佳氣繞願獻九如觴

聖駕東巡祇謁

祖陵恭紀

蔡新

異命重諏吉明禋肅典儀帝車旋太乙

天廟列宗舜霜露原陵日風雲沛上時

橋山弓劍在長繫

聖人思

愛日

安輿暖

慈雲曉仗清

璇宮千帳合玉食萬方呈膳寢隆周典威儀陋漢京
鉤鈐星朗處達孝仰

皇情

一旅開王業千年景大勳天戈遼海月汗馬杏山雲
闕殿清秋肅靈楸瑞靄紛至今歌下武克配頌思文
山翠濃如昔鳴鞭簇羽旂行秋遵舊制適孝紹

前楸湛露零

珠阜祥風動玉衣

神孫勤肆祀俎豆有光輝

霞蔚雲蒸地龍蟠虎踞中白山仍拱北黑水鎮朝東
原巘流泉在謳謠擊壤同重來咨父老淳古遡幽風

金郊陳武庫石鼓詠車攻振鐸千山動彎弓七萃雄
陣雲連塞紫獵火射關紅却喜承平日深維

締造功

東國迎雲罕南雙候曉

鑿傾心來白馬稽首遍烏桓曲奏齊天樂詩歌在藻
歡殊方重譯至河海靜波瀾

玉輅迴清蹕陽和萬象蘇宣風

宸藻煥錫類

主恩殊永保無疆業長懷有道符瑤編重紀盛
孝治邁軒虞

平定準噶爾詩

介福

六師張撻伐萬里震聲靈月竈消兵氣河魁動將星
勢雄都護府地盡大荒經積石流沙外今知秦

紫庭

和林昔北徙部落散西羌誰道秦無弋居然漢夜郎
五州通上國兩道跨遺疆幾度干

天討威弧射白狼

謨烈思

皇祖平邊裕大猷

親征神畧遠餘種

聖恩留狡兔仍三窟奇鷁更九頭榆關笳鼓競重出

古伊州

偃革敷文德

先皇睿畧深直將干羽舞默格虎狼心小醜偏難化

天兵今再臨風沙方自潰日逐定成禽

逋寇行當殄三靈助

審圖紛爭二昆莫奔潰五單于就日傾心附
瞻雲稽顙呼爲言諸部衆翹首佇來蘇

廟畧高千古將軍下九天連營鳴鼓角突騎耀戈鋌
北出飛狐嶺西臨走馬川前歌兼後舞不日勒燕然
陰磧卷黃雲風生萬馬羣五原雜鹿塞八陣鶴鵝軍
別隊擒生入前茅露捷聞

天威方震疊不戰立功勳

戈甲響縱錚西看碎葉城通侯班定遠上將趙營平
烏壘屯軍仗黃河起戰聲橫行蒲類海早晚掣長鯨
纔出白龍堆降王接踵來荷及通瀚海傳檄過輪臺
苜蓿供芻秣留犁獻酒杯左璫爭膜拜直到雪山隈
一矢落鳴骸前驅似虎虓窮猿驚失木妖鳥早焚巢
雄劍鏘纔吐戎車綏未交紛紛殘部曲泥首拜雲旂
掃穴率庭日森嚴大將壇移兵追頡利分道捕樓蘭

南仲威無敵西人膽盡寒
諸蕃親縛送露布報長安
吉語傳三捷

威稜懾二庭

圓壇申告祀

清廟慰神靈玉戚恭陳舞
瑤尊屢薦馨

明堂今坐治端拱啟魚鈴

成功惟法

祖有善必歸

親大禮衣冠集

徽音寶冊新

慈雲垂煦育
荒服靜烟塵
周室尊

文母

璇宮祝萬春

狼狽曾相倚
鯨鯢今並拘
飛騰馳捷報
先後獻軍俘

奏賀風雲集

頌恩雨露濡

王師歌愷樂大地遍山呼

絕域轉旌旗饒歌夾路吹三旬無逆命六月已還師
偉烈銘天柱

神功奠地維辟靡歸飲至億載視豐碑

一舉參狼服西來天馬冬黃龍何待約朱鷺早聞歌
鞏固金甌壯氤氲玉燭和太平功業盛萬古在山河

平定準噶爾詩

謹序

王鳴盛

臣 聞邇安遠至盛烈聿彰奮武揆文大猷斯著

稽誕敷於虞代苗民誌卽敘之休溲薄伐於殷
宗氏羌揚有截之績職方統乎司馬遠及要荒
和會列乎明堂並陳僭佞要以王者之無外悉
歸至誠之感神欽惟我

皇上德邁黃羲恩覃覆載金樞永固本仁義爲漸摩
玉鏡交輝仰聲靈之赫濯爾畋爾宅兆民靡不
允懷來享來王方物于焉畢獻迺準鳴爾處西
海隅襲甌脫之餘風久稱屬國分幹難之別部

竊號禪王鼓螳臂以當車恃蟻封而作險我

聖祖仁皇帝敷奏其勇功懋犁庭我

世宗憲皇帝邁駿有聲仁垂解網維

先志尙資善繼而遺緒端賴克繩况值小醜之將窳

益信膚功之宜奏名王稽顙俱思革面而回心

侍子趨庭咸期去逆而效順于時款五原塞因

之築三受降傾心者接踵來歸逃聽者延頸遙

企我

皇上睿謨獨運神算無方功以斷而乃成時以乘而
勿失用彰

天討

親命元戎授韜畧於臨軒總貔貅於上將營連鵝鶴
雲屯萬竈之烟隊結熊羆風靜干廬之柝矧契
茲何力久諳赤水之土風而阿耨光顏熟悉河
曲之形勢布堂堂之陣直抵臯蘭揚正正之旗
平臨碎葉銷陽關之烽燧收伊犁之版圖筐篚

爭迎壺漿夾道葵傾藿向共看脫劍投戈雀躍
鳧趨齊睹前歌後舞遂乃俘其醜類殲厥凶渠
巴朗等面縛於前識鯨鯢之力弊達瓦齊係纆
於後知鼯鼠之技窮狼生羶羶生羶彼雖實繁
有徒入虎穴得虎子我則徐惡務盡七旬方屈
已收頡利於湟中一矢未煩早繫邳支於闕下
粵稽前史亦有武功槃木化流漢基丕振高昌
路闢唐業重光然或需以歲時甫能有濟又且

多其勞費僅克觀成從未有制勝

九重決策萬里料事宛同符契剋期無假著龜蓋
天地之德曰生而

聖人之師以律拯諸水火羣欽

大勇之安民取彼凶殘共服

至仁之無敵從此奇眩重舌候月來賓行看烏弋黃

支占風受吏凡有血氣莫不尊親臣志慕執爰

才慙載筆敬成鄙什仰頌

殊勲敢比桓賚之章庶幾矇眊之誦云爾

盛德膺

天眷

鴻謨纘

祖功車書鞮譯合玉帛鎮蕃同雁磧看傳檄龍城已
挂弓

皇猷洵克廣薄海荷昭融

兩朝伸撻伐赫業有餘威苞蘖從三宥戈鉞佇再揮

神靈存石馬
節沐湖金微
此際思繩武
彌瞻

峻烈巍

詔發三河土
風雲指顧間
牙璋馳瀚海
鐵騎向天山
細柳威容壯
臨淮號令閑

王師纔出塞
早見懾羣頑

逋寇潛蹤久
于今自莫逃
翁侯奸盡露
任滿詐徒勞
狡兔空求窟
游魚已失濤

聖朝持國法
絕漠肅秋毫

敕勒纔通道，丁寧控弦竒。
功三捷奏秘算七擒連。
天靜榆關月，風清柳塞烟。
材官頻送喜，行唱凱歌旋。
先業丕承重，貽謀式廓增。
瑤樽陳

寢殿桂俎奉

橋陵永卜黃圖鞏，忻占紫微澄。
回看珠阜路，長見五雲凝。

慶溢

慈寧喜璇宮，色笑溫錦函。
新奏

御玉冊重升

尊共荷安貞吉胥蒙

錫類恩堯封今益遠

純嘏日應繁

丹鳳銜書下金雞放赦初扶藹兼老稚蹈舞集簪裾
航賚來重譯梯琛自拂廬幸逢醲化協

渙號及康居

曙色

彤庭啟虎臣獻馘來藁街昭憲典城旦示矜哀魚海
波長靖龍堆霧已開更教飛騎出掃穴縛渠魁

聲教今無外番氓盡一家屯田歸督護置驛接流沙
戊巳軍磨壯東西尉候遐寧同漢廷陋空逐李輕車